

Dialuna awo, proyecto di paga pa parkeer ta cuminsa



Dialuna 7 september 2015 lo inicia e proyecto di paga pa parkeer den Playa. Orario di operacion lo ta: 7am-7pm cu excepcion di dilanti di oficina di gobernacion y dilanti Royal Plaza cu ta di 7am-11pm. Costo lo ta di 2.00 florin pa ora.

Usuario lo mester hinca e number di e vak unda e lo parkeer su auto den e mashin y lo ricibi un recibo cu e number di vak ariba dje. Si e usuario lo mester keda mas tempo cu e a paga pe, e

usuario por paga na cualkier mashin pa extende nan tempo, no lo mester bay bek te na e ashin unda ta parkeer. Usuario cu surpasa e tempo cu nan a paga pe mester tene cuenta cu despues di 15 minuut lo klem e auto. Lo tin un costo di 75 florin pa kita e klem. Despues di 3 ora si e usuario no a bin paga pa kita e klem, e auto lo wordo lastra y hiba na Arubus na Sabana Blanco y lo tin un costo di 150 florin pa e lastramento. Orario pa saca e auto lo ta di 7am pa 7pm, auto cu no wordo saca mesun dia lo tin un

costo di 25.00 florin pa dia. Trahadado di Centro di Oranjestad por aplica pa un permiso na oficina di Aruparking na Wilhelmina straat # 13 na un costo di 75,00 florin pa luna.

- Rekisitonan: -- copia di papel di number di auto
- Un Carta di dunado di trabou confirmando lugan di empleo
- Un comprobante di Censo di 5.00 florin
- Un Copia di ID

E esencia di e proyecto ta pa :
1. E seguridad di peaton cu mester baha for di acera ora tin auto nan para ariba acera y e obstruccion di bista di autonan circulando cu autonan cu a parkeer malo riba skina cu por causa accidente.

2. Aumenta e accesibilidad pa bishitantenan di caya grandi cu na e momento aki ta dificil pa motibo cu e lugan

nan ta wordo ocupa door di empleadonan di caya grandi. Tambe tin algun lugan cu a wordo laga habri como parkeer social p.e. Postkantoor

dilanti di misa di Playa, den caya di Circle K bay abao, dilanti Kentucky, Linear Park y asina por menciona otro nan. □